

KORONA-PREVENCIJA NA POSLU NAJVAŽNIJE UKRATKO

Za kompaniju IG Metall je nedvosmisleno: U krizi prouzrokovanoj koronom zdravlje kolegica i kolega je osnovni prioritet. Stoga se na svim radnim mjestima moraju poduzeti učinkovite mjere kako bi se rizik od infekcije zaposlenika sveo na najmanju mjeru.

Korona zahtijeva pojačanu zdravstvenu zaštitu

Stanje opasnosti je jasno, nije ga potrebno dugo ispitivati: Rizik od zaraze korona virusom je svuda prisutan – on postoji i na radnom mjestu. Osnovni cilj politike prevencije kompanije u uslovima pandemije je usporavanje širenja infekcija i zaštita zaposlenika. Pri tome je neupitno: **Rad u uslovima pandemije zahtijeva još viši nivo zdravstvene zaštite nego u normalnim okolnostima.** I: Za zaposlenike, koji pripadaju rizičnoj grupi, jer boluju od raka ili kardiovaskularnih bolesti, potrebno je poduzeti posebne mjere zaštite.

Razvoj strategije prevencije i primjena nadležnosti

Razvoj i provođenje djelotvorne strategije prevencije od korone u preduzećima mora uslijediti što je brže moguće. Budući da se korona virus naročito prenosi kapljičnim putem i kontaktom, zaštitne mjere za minimiziranje opasnosti od zaraze fokusirane su na osiguravanje dovoljne sigurnosne udaljenosti među zaposlenicima, kao i na higijenske mjere. **U ovom slučaju poslodavci imaju obavezu: Po zakonu ste odgovorni za zaštitu zdravlja.** Poslodavci snose odgovornost za organizaciju rada i korištenje tehničkih sredstava na takav način da se mogu ispuniti zahtjevi udaljenosti i higijene.

I vijeće zaposlenika ima važne zadatke. Ono mora biti uključeno u procjenu i provođenje neophodnih mjera. Instrumenti, koji stoje na raspolaganju vijeću zaposlenika u njegovoj politici prevencije, poznati su i odgovaraju novim problemima. Nazivaju se sudjelovanje i procjena opasnosti. Pri tome je važno: U slučaju korone se često složena radnja procjene opasnosti ne treba više provoditi. Visoka opasnost od zaraze je neupitna. U kompanijama se stoga može odmah provjeriti u kojim se radnim područjima ne poštuju zahtjevi udaljenosti i higijenski zahtjevi, te su stoga potrebne preventivne mjere.

Provođenje mjere prema „TOP-principu”

Zahtijevani standardi zaštite na radu u preduzećima moraju se postići raznim tehničkim mjerama, mjerama organizacije rada i mjerama lične zaštite. Koje mjere opreza moraju biti poduzete u pojedinom preduzeću pokazuje utvrđivanje opasnosti na licu mjesta. Jasno je ali: **Vrijedi TOP-princip**. Zakon o zaštiti na radu predviđa tehničke mjere prije organizacijskih mjera. Lične mjere su podređene. Čini se da zaštita od infekcije može biti naročito učinkovita samo onda kada se kombinuje više mjera.

Obuka kao ključ uspjeha

Najbolje mjere nemaju željeni učinak, ako kolegice i kolege nisu bili dovoljno uključeni. Sistematična i odgovarajuća obuka ključ je uspješne prevencije. Ali i od zaposlenika se zahtijeva: Trebali bi obratiti pažnju na provođenje zahtjeva udaljenosti i higijenskih zahtjeva i doprinijeti tome, da svi provode neophodne mjere.

Mjere prevencije od korone

Odabrane tehničke mjere


- ▶ označavanje minimalne udaljenosti na terminalu za evidentiranje vremena ili rampi za prolaz s oznakama na podu
- ▶ postavljanje prozirnih pregradnih zidova
- ▶ korištenje dodatnih hala
- ▶ prilagođavanje tehnologije ventiliranja, omogućavanje redovnog provjetravanja
- ▶ stavljanje dodatnog alata na raspolaganje

Odabrane organizacijske mjere

- ▶ osiguranje minimalne udaljenosti u svlačionicama, toaletima, prostorijama za odmor i kantinama
- ▶ ujednačavanje saobraćajnih puteva u preduzeću
- ▶ promjena radnih postupaka tako da se može održavati minimalna udaljenost između zaposlenih
- ▶ promjena radnih postupaka u kancelariji, dogovaranje naizmjeničnih Homeoffice pravila
- ▶ dogovaranje kliznog radnog vremena i pauza

Odabrane lične mjere

- ▶ vođenje računa o mogućim simptomima prije početka rada
- ▶ na putu na posao i s posla izbjegavanje okupljanja ljudi u sredstvima javnog saobraćaja što je više moguće; korištenje automobila, bicikla ili radničkog autobusa, u kojem se poštuju pravila udaljenosti.
- ▶ po potrebi nošenje zaštite za usta i nos ili lične zaštitne opreme.
- ▶ vođenje računa o ličnoj higijeni



Sprache: bosnisch

IG Metall-Vorstand | FB Arbeitsgestaltung und Qualifizierungspolitik | Ressort Arbeitsgestaltung und Gesundheitsschutz | Wilhelm-Leuschner-Straße 79 | 60329 Frankfurt am Main

Izvor: Corona-Prävention im Betrieb. Infektionsrisiken durch Arbeitsgestaltung und Gesundheitsschutz minimieren. April 2020.
www.igmetall.de/im-betrieb/gesundheits-und-arbeitsschutz/corona-praevention-beschaeftigte-im-betrieb-schuetzen